

(رؤبن عصربن لمسرحبن ناجرالبندفبن) (لوبلبام شلسببر)

AASW HASTA

مسرحية

تاجسر فبنسيا

(رؤية عصرية لمسرحية تاجر البندقية لويليام شكسبير)

محمد سلامة

نشرت مسرحية تاجر البندقية لأول مرة عام ١٦٠٠ وقد كتبها شكسبير اعتمادا على موضوع الساعة في عصره وهو خيانة الطبيب اليهودي روديريجو لوبيز للملكة اليزابيث والتأمر على قتلها بالسم وذلك تحقيقا لمصالح ذاتية لليهود وتم إعدامه في ١٥٩٤م بتهمة الخيانة العظمى.

ومع إن مسرحية تاجر البندقية ليست من أفضل المسرحيات لشكسبير إلا أن هناك إقبال كبير على عرضها تقارب مسرحية هاملت نظرا للشخصية العجيبة المعقدة شايلوك والذي قام بأدائها أفضل الممثلين على مر العصور مثل لورانس أوليفيه وبول روجرز وبيتر أوتول وأخيرا آل باتشينو وقد عرضت بمصر في الستينيات وقام بأداء دور شايلوك الممثل القدير السيد راضي

ومسرحية تاجر فينيسيا رؤية عصرية لمسرحية تاجر البندقية بالعامية لإيجاد التواصل الفني بين الجمهور وبين هذا العمل الابداعي الرائع الذي لم يأخذ حقه جيدا في النشاط المسرحي في مصر

شخصيات المسرحية:

فتاة ثرية من طائفة النبلاء وصيفة ريجينا متقدم لخطبة ريجينا متقدم لخطبة ريجينا

* ریجینا نریسا امیر مراکش امیر جنوا

أحد تجار فينيسيا صديق أنطونيو صديق أنطونيو صديق أنطونيو صديق أنطونيو صديق أنطونيو صديق أنطونيو * أنطونيو بسانيو سولانيو سالارينو جراتيانو لورنزو

ثرى ومرابى ابنه شلوك صديق شلوك خادم شلوك

* شلوك جيسيكا توبال جوبو

خادم بسانیو خادم ریجینا * ليوناردو * ستيفانو

الفصل الأول

المنظر الأول

قصر ريجينا

صوت راديو تقلب محطاته بين أغانى ايطالية حديثة يفتح الستار

(تدخل ریجینا ونریسا)

ريجينا: انت عايزه الحق بانريسا أنا مش قادرة استحمل كل اللي بيحصلي ده

نريسا: صحيح يا سنيورة ريجينا ، انت ماتستهليش كل ده ، ربنا يبعتلك الحظ الكويس .

ریجینا: ماانت شایفاهم یا نریسا کلهم اهم

نريسا: في ناس شبعانة قوى لكن عايزه كل حاجة تبقى عندها المال و الوجاهة و العظمة و السيادة بين الناس وفى ناس محرومة من كل ده بس ما بيفكروش التفكير ده.

ريجينا: ايه الحكم اللي نزلت عليكي دي

نریسا: لو الشبعان یدی للمحروم والمحروم ما یحقدش علی الشبعان، لوفی عدل بین الناس ح یبقی فی حب بین الناس وبعضها والناس کلها

ح تحس بالسعادة

ريجينا: لو كان كل الناس بيعملوا بالحكم دى ، مكانش بقة فى مشكلة ، مشكلتى أنى مش قادرة أختار عريس ليا ، مش قادرة أختار عريس ليا ، مش قادرة أختار عريس معجبة بيه ولا قادرة أرفض واحد كارهاه ، ما ليش حرية ، حرية بنت حية على وش الدنيا متقيدة بوصية أبوها الميتده ايه الغلب اللى أنا فيه ده!!

نريسا: أبوك ياسنيورة ريجينا كان راجل فاضل وطريقة الصناديق الاربعة اللى ابتكرها قبل ما يموت هي دى اللى ح تحدد العريس المناسب ليكي ، العريس اللي ح يحافظ عليكي ويحطك جوه عينيه ، مش العريس اللي يبص على مكانتك ووجاهتك في فينيسيا كلها ولا اللي حيبص على ثروتك بس أو جمالك بس اللي عيدبل مع الزمن وساعتها يبقى من السهل عليه بفرط فيكي

ريجينا: أنا مش قادرة أحدد يا نريسا، مش قادرة أختار، مش قادرة أميز بين أنواع الرجالة اللي بتقولي عليهم دول

نريسا: الصناديق هي اللي ح تحدد يا سنيورة ريجينا

ریجینا: انت متأکدة یا نریسا

نريسا: انت لسه صغيرة وخبرتك في الحياة قليلة ، عشان كده

كان أبوك نفسه يجوزك قبل ما يموت ، لكن الموت كان أسرع من أمنيته دى

ريجينا: يعنى في رأيك مين كويس في كل اللي اتقدمولى ؟.

نريسا: يعنى مافيش واحد فيهم حبتيه

ريجينا: ولا واحد كلهم زى بعض ، ولو كان فى واحد فتح الصندوق الصبح ، واضطريت أنفذ وصيه أبويا ، كنت حابقى أتعس واحدة فى فينسيا كلها

نریسا: یعنی أمیر نابولی ماكانش مناسب ؟؟

ريجينا: ده راجل عيل وطايش وعبيط كمان ، كل كلامه عن الحصان بتاعه ، عن قوته وعن سرعته ، وبياكل ايه وبيشرب ايه ، الحصان ده أصيل وده حصان مش أصيل ، كأن أمه ولدته في إسطبل

نريسا: طيب حاكم فينيسيارأيه فيه إيه بقه ؟

ريجينا: راجل كشرى ...وشه مابيعرفش الضحك ، ولبو سمع أحسن نكته ما بتظهرش غير سنانه ، ومغرور قوى بيقولى النت لوما وافقتيش علياح تندمى طول عمرك " هو فاكر نفسه مين يعنى رئيس الجمهورية ؟ ده مجرد حاكم فينسيا بس نريسا: وإيه رأيك في مسيو ليبون التاجر الكبير

ريجينا: مش راكز كدهكل شويه ألاقيه يرقص ويغنى مع نفسه ووسطه عامل زى الزمبلك، انا ماحبش النوع ده من الرجاله

نريسا: ايه رأيك بقه في البارون الانجليزي فالكون ابن عيلة كبيرة كلهم في مجلس اللوردات

ريجينا: راجل جاهل ورذل وماعندوش ثقافة ومبهدل في لبسه الكرافته شاذه مع القميص والقميص شاذ مع لون البدلة والجزمة بلون تانى خالص

نريسا: مفيش حد عاجبك يا سنيورة ريجينا!! ، طيب ايه رأيك في الشاب الالماني الوسيم ؟

ریجینا: زیهم یا نریسا، ما یفرقش عنهم

نريسا: افرضى يا سنيورة ريجينا انك ارتحت لشخص معين من كل قلبك لكن اختار الصندوق الغلط ح تعملى ايه ح تجوزيه ولا تنفذي وصيه والدك

نريسا: ما تفتكريش با سنيورة ريجينا التاجر البسيط اللي كان بيتعامل مع أبوك وكان شاعر بالأمارة

ریجینا(بفرح): ایوه اسمه بسانیوماله؟

نريسا: أنا كنت ملاحظة انه معجب بيك قوى ، وأول ما بيشوفك عينيه ما بتنزلش من عليك .

ریجینا (بحزن): أنا كنت عارفة انه معجب بیهلكن كنت حاسة انه خایف یكلم ابویا عشان ما ینرفضش زی اللی كان بیرفضهم أبویا نریسا: یعنی لو دلوقتی اتقدم لكح تعملی ایه ؟

ريجينا: ياريت يا نريساياريت ...ده أناح أبقى فرحانه قوىويارب يارب بختار الصندوق الصح

يدخل أحد الخدم

الخادم: الأمير العربي أمير مراكش وصل

ریجبنا: خلیه یتفضل (لنریسا) یعنی حیکون احسن من اللی قبلهلما نشوفه وخلاص

ينفخ في الأبواق ويدخل الأمير وحاشيته

نريسا (تصافحه): بين فونوتو....أهلا وسهلا يا مولانا الأمير الأمير (مندهشا): أهلا أهلا اللهم ما صلى على النبىعروسة تجنن والله

نريسا: مش انا العروسة ..أنا وصيفتها ..العروسة أهي (تشير لريجينا)

الامير (بضيق): الوصيفة

يزيحها من طريقه بضيق

الأمير: أهلا أهلااللهم ما صلى على كامل النور ... إيه الجمال والحلاوة والعظمة دى كلها

ريجينا (فرحة): مجاملتك لطيفة قوى يا مولانا الأمير

الأمير: بالعكس ... دا أنت أجمل واحدة شفتها في حياتي ... الكلام دا طالع من قلبي والله ... أنا معرفش أزوق الكلام زيكم يا بتوع أوروبا ... اللي في قلبي على لساني

ريجينا: أنا متشكرة قوى على كلامك الجميل ده

الأمير: أنا مش مجاملدى الحقيقة اللي شايفها

تخجل ريجينا

الامير: فكرة المساديق دىلازم أختار واحد منهم ولا ممكن نفلسعهم ؟

ريجينا: ايه ؟ نفلسعهم ؟

الامير: يعنى نطنشهم

ريجينا: لألازم طبعالازم أنفذ وصبية والدي

(لنريسا) هاتى الصناديق يا نريسا

الأمير: وأنا مستعد ...أنا حاسس أنى حظي ح يكون كويس.....أنا ولا فخر كل الإمارات اللى حوالين امارتى عارفين مين الأمير مهند، مفيش حد يقدر يقف قدام العبد لله، السلطان سليمان نفسه لما خاني في اتفاقية بينا، زحفتله بجيش جرار ودمرت جيوشه وقصوره كلها، وحبسته في السجن لغاية لما مات

تدخل الصناديق الأربعة على منضدة

يتفحص الأمير الصناديق

نریسا: ایه رأیك یا سنیورة ؟باین علیه فارس عربی أصیل ریجینا: كویسكویس یا نریسا ...بس شرس شویة

نريسا: يعنى ناوية على إيه ؟

ريجينا: الصناديق هي اللي ح تحدد

الأمير (يفكر): الصندوق الأول مصنوع من الدهب ومكتوب عليه سينال من يختارنى ما يرغب فيه الكثير من الناس والثاني مصنوع من فضة ... سيظفر من بختارني بما هو جدير به ... والثالث مصنوع من من نحاس سينال من يختارنى أسعد أيام حياته والرابع مصنوع من صفيح ... إيه ده؟ ايه اللى مكتوب عليه ده ... يجب على من يختارنى أن يعطى وأن يغامر بكل ما يملك ... (ينظر لريجينا) أختار

ايه بالظبط ؟

ريجينا تشير بيدها أنها لاتعرف

الامير: طيب الصناديق فيها إيه?

ريجينا: مش عارفة ؟بس الحاجة اللي ح تلاقيها مكتوب على ورقة معاها جملة أنت جدير بالزواج من ريجينا.

الأمير متحيرا ويقرأ الكتابات مرة أخرى

الأمير: على من يختارني أن يعطى وأن يغامر بكل ما يملكأغامر عشان صندوق صفيح مش معقولة طبعاالثاني فضة وشكله حلو سيظفر بى من يختارني بما هوجدير به ..الثالث سينال من يختارنى أسعد أيام حياته (ينظرلريجينا ويذهب للرابع) هو ده ..ده صندوق من دهب .. سينال من يختارنى ما يرغب فيه الكثير من الناسهو في شابة جميلة ومرغوبة قى فينيسيا كلها غير السنيورة ريجينا اللى زى قمر ١٤

ريجينا تبتسم خجلا

نريسا تعطيه المفتاح ويفتح

الأمير (منزعجا): إيه ده ؟جمجمة ميت ؟

ريجينا (بانز عاج): شوف كده الكلام اللي جوه الصندوق

يبحث في الصندوق فيجد ورقة ويقرأها

الأمير: انت نظرت الى المظهر البراق ولم تنظر الى الجوهرانت لست جدير بابنتى الحبيبة.

ينظر الأمير لريجينا بذهول وهى متضايقة

الأمير: ردبابا هوردك برضه؟

تهز رأسها وهي متألمة

الأمير (متحبرا): جواب نهائي ؟

تهز رأسها بالموافقة.

الأمير: مفيش أمل؟

تهز رأسها بالنفى

تنفلت أعصاب الأمير ويلقى بالصناديق واحدا تلو الأخر على الأرض ثم يخرج دون أن يلتفت إليها، وتلتفت ريجينا ناحية الجمهور وتضع كفيها على وجهها وتبكى.

يغلق الستار

الفصل الاول المنظر الثاني شارع في البندقية

يدخل انطونيو وسولانيو وسالارينو

سالارينو: متخافش يا أنطونيو...ما تحزنش قوى كده ...ما أنت ياما اتعرضت لمأزق أكتر من كده.

انطونيو: المرة دى ٣ سفن ضخمة إتاخرت عن ميعادها فى الوصول وما حدش عارف مصيرهم إيه ؟غرقوا فى البحر ولا فى قراصنة خطفوهممش عارف أى حاجة عنهم.

سولانيو: أنا خايف عليك من الحزن ده...خفف عن نفسك شوية

أنطونيو: أنا مش حاطط فلوسى كلها فى ٣ سنون بس ، أنا ليا بضايع على ٧ سفن فى البحر ، مش أنا التاجر اللى يحط البيض فى سلة واحدة .

سالارينو: أمال إيه المشكلة يا أنطونيو؟

أنطونيو: أنا دلوقتي ماعيش فلوس سيولة ، يعنى مش ح أقدر

اشتری بضایع جدیدة ألا لما توصل ال ۳ سفن دی ، وال ۳ سفن دی ، وال ۳ سفن دول أول الفوج التجاری بتاعی للموسم ده

سالارينو: أنا عاذرك ... أنا لو اتخيلت إن السفينة الوحيدة اللي عليها بنضايعي غرقت وكل اللي حيلتي راح معاهايمكن أموت فيها

يدخل بسانيو وجرانيانو ولورنزو (ويسلما على الموجودين عناقا)

ويتبادلوا التحيات: شاو

سـولانيو (لانطونيـو): بـسانيو حبيبـك وبقيـة أصسحابك وصلوا ... منشى إحنا بقه

بسانیو: ایه؟ رایحین فین ؟ مش ح نقعد مع بعض ؟

سالارينو: عندنا شعل يا بسانيو ...انتم اتاخرتم علينا قوىإحنا مع انطونيو من ساعتين.

جراتیانو: طیب ح نتقابل امتی تانی ؟

سولانيو: بكره ...زى دلوقتىشاو

يخرج سولانيو وسالارينو

لورنزو (لبسانيو): أهو انت اتلاقيت انطونيو اللي انت قالب فينسيا كلها عشان تشوفه. بسانیو: انت فین با انطونیو ...ماشفتکش من بومین ...انت وحشتنی قوی .

انطونيو (بحزن): ازيك يا بسانيو

بسانيو: انت مزاجك مش مظبوط يا أنطونيو.في إيه؟..مالك؟

انطونيو: ما تشغلش بالك يا بسانيو

بسانیو: شکلك حزین قوی یا انطونیو ...ما شفتکش أبدا بالشکل ده...في ایه ؟

انطونیو: أنا حاسس أن أنا في مسرحية من ٢٠ فيصل ودورى فيها دور الحزين

جراتيانو: أنا مستعد أمثل معاك دور المهرج الظريف بشرط انك تضحك

لورنزو: أناح أخدك النهارده ونروح مسرحية بجد حلوة قوى عشان ترف عن نفسك اسمها تاجر فينيسيا وفيها واحد اسمه على اسمى لورنزو ...وشبهى تمام وممثل كده (ويشيراشارة) بعنى ممثل مسخرة من الاخر

جراتيانو: ح ندوح نحجز التذاكر لنا كلنا ونتقابل بالليل عند المسرح ... يالا يا لورنزو

ينصرف جراتيانو ولورنزو

بسانيو: احكيلي يا انطونيو ...ده أنا أعز صاحب عندك

انطونيو: انت أخويا مش صاحبي وبس، ما تشغلش بالك، احكيلي انت عن اللاموري حبيبتك ريجينا

بسانیو: من بعد ما أبوها اتوفى ، خطابها زادوا قوى وبرضه بیترفضوا مش عارف لیه ؟

انطونيو: وانت ناوى تعمل إيه ؟

بسانيو: أناح أروح أتقدملها بكل جرأة وأنا وحظى بقه

انطونيو: هي بتحبك يابسانيو زي ما أنت بتحبها ؟

بسانیو: لما کانت عینیا بتبصلها....کانت عینیا بتفضحنی لانی کنت هیمان بیهاوهی کمان کنت حاسس انها معجبه بیا من طریقه کلامها معایا

انطونیو: یعنی انت ماکنتش قادر تصارحها و هی مش قادرة . تصارحك

بسانیو: کنت خایف أتقدم لابوها عشان بیرفض عرسان بعدد شعر راسی وأنا مش عایز أبقی زیهم

انطونيو: انت غلطان يا بسانيو، المفروض كنت تتقدم الأبوها وتجرب حظك ...مش كان أبوها بيحبك ؟

بسانیو: أبوه كان بيحبنى، عشان كده مش عايز أضيع الفرصة

تانی أبدا

انطونیو: انت عایز تقولی حاجة معینة ؟ هو أنا مش عارفك با بسانیو ؟قوللی علی طول

بسانیو (بخجل): بصراحة با أنطونیو ...انت عارف إن ثروتی كانت كبیرة قوی لكن ضاع نصمها مع طیش الشباب، وبضاعتی جایة بعد شهرین علی سفینیتین من الهند

انطونیو: یعنی انت محتاج فلوس دلوقتی عشان حاجة معینة ایه هی بقی ؟

بسانيو: انت عارف ان أنا عندى شقة فى الطالبية (ينتبه) قصدى فى شارع سان ماركو ..يعنى جاهز ...برونتبو على الاخر ...بس أنا محتاج فلوس عشان أقدم شبكة محترمة وهدايا والحاجات اللى انت فاهمها .

انطونیو: یعنی محناج کام؟

بسانيو: في حدود ٣ ألاف دوقية.

انطونيو (متردد): أنا عمرى مارفضتك طلب يا بسانيو ... دا حتى تمن البضاعة الاخيرة اللي عليك ما طلبتهاش منك لغاية دلوقتي بس المبلغ الكبير ده مش معايا دلوقتي بسانيو : طيب دبرها معايا يا أنطونيو ... ح أعمل ايه دلوقتي ؟

....أنا نفسى أنقدم لها بسرعةمش قادر استنى لما بضايعى تيجى بعد شهرينخايف إن ريجينا تقبل واحد وتتخطب لهمع أنى مش متأكد إنى ح أتقبلبس ح أجرب حظى وخلاص .

انطونیو: لو معایا الفلوس کنت ح ادیهالک من غیر تفکیر ولا تردد ...لکن ۳ سفن لیا اتأخروا فی البحر والباقی لسه معاده ما جاش ، یعنی لا معایا فلوس و لا بضایع أقدر أساعدك بیها

بسانیو: الامر للهح أستني بعد شهرین لما بضایعي نیجي

انطونیو: طیب ما تروح یا بسانیو تستلف من أی تاجر فی فینیسیا یعرفنی ویسلفك علی العقد فینیسیا یعرفنی علی العقد اللی بینکم

بسانيو (بفرح): فكرة حلوة

انطونيو: بس إبعد عن التجار المرابين وخصوصا شلوك الخبيث.

يغلق الستار

الفصل الأول

المنظر الثالث

شارع في البندقية

يدخل شلوك وبسانيو (شلوك يلبس ملابس بالية ويرتدى طاقية صوف سوداء تغطى الرأس كلها وسنه فوق الخمسين)

شلوك: ٣ ألاف دوقيةبونو بونو

بسانبو: سى سنبور شلوك ولمدة ٣ شهور بس

شلوك: لمدة ٣ شهور بس . بونو بونو

بسانیو: وزی ما قلت لك ح یكون انطونیو ضامن لیا وملزم بدفعها

شلوك (بخبث): وأنطونيو ضامن وملزم بدفعها ...بونو بونو بسانيو: ح تقدر تسلفني يا شلوك ؟.....أنا محتاج الفلوس جدا

شلوك (مفكرا): ٣ ألاف دوقية وانطونيو ضامنها

بسانيو (مستهزأ): بونو بونوايه رأيك؟

شلوك : انطونيو تاجر سمعته كويسه بين التجار .

بسانيو: انت سمعت حاجة غير كده ؟

شلوك: لا لاأنا قلت إن سمعته كويسه بس عيبه انه فلوسه

كلها في بضايع على ٧ سفن وكلها لسه ما جيتش.... اللي في طرابلس واللي في الهندده غير اللي سمعته في بورصة الريالتو ان له سيفينة في المكسيك وواحدة في انجلترا والباقي متفرق في البحار كلها بس البحر مالوش أمان والسفن بتبقى زي اللعبة الصغيرة في البحر لما تقوم رياح ولا أمواج عالية ولا تتخبط في صخور ضخمة السفن بتنطم وتضيع البضايع في قاع البحرده غير القراصنة حرامية البحر

بسانیو (جانبا): الله یخرب بیتك ،فولت على الراجل وخربتك بیته كمان

بسانيو (بضيق): يعنى انت موافق و لا مش موافق؟

شلوك : موافق طبعا ...بس محتاج أفكر شوية

بسانیو (متذمرا): بونو بونوتحب نتعشی مع بعض النهارده فی رستورانتی جمیل أنا متعود علیه .

شلوك: لا لاأنا ما أحبش آكل بره البيت بتاعى

يدخل أنطونيو

بسانيو: السنيور أنطونيو جه أهو

شلوك (لنفسه): تاجر غبى بكرهه كره العمى بيسلف الناس (۲۱) والتجار من غير فايدة وهو السبب إن الفايدة بتاعتنا تنزل لأقل سعر ... بنفسى أتمكن منه وأشفى غليلى ... بيكر هنى وبيكره التجار المرابين مع أن فلوسنا حلال مية في المية ... الله يلعنى لو أنا ضعفت وسامحته على اللي عمله معايا .

بسانیو: انت سامعنی یا شلوك ؟

شلوك: أنا كنت بحسب الفلوس اللي معايا ... هي ماتكفيش بس ما تشغلش بالك أنا ممكن أكملهم ٣ ألاف دوقية بالظبط من قريبي توبال

انطونیو: کومی ستای یا شلوك

شلوك (ممتعضا): اهلا أهلا سنيور أنطونيو

انطونيو: انت لسه زى ما انت ياشلوك ، تسلف الناس بربا وما تحبش تشغلها في التجارة

شلوك: التجارة بتاعتكم دى مرة تصيب ومرة تخيب ، وأنا ما أحبش أكون خايب ولو لمرة واحدة وبعدين دى تجارة برضه بس تجارة ما بتخسرش ومن حقى ان أنا أنمى ثروتى بسرعة كسرة

انطونيو: ما لوش لازمة الكلام دلوقتى يا شلوكبس عابز أسالك على حاجة تانية ؟

شلوك : ايه هيا ؟

انطونيو: الكابيلو الانتيكا بتاعتك مش ممكن تبقى لون غير اللون القتم ده ، خليها خضرا أو حمرا أوزرقا يا عم

شلوك (مصطنعا الصندك): ظريف قوى السنيور انطونيو . ظريف ولطيف

انطونیو: لما توافق علی السلفة ح أجیبك كابیللو بمبی و ح تغنی بعدها أغنیة بمبی بمبی بمبی

شلوك (متضايقا): ظريف ولطيف قوى قوى قوى

شلوك (لانطونيو): ح ترد المبلغ بعد أد ايه يا سنيور أنطونيو

انطونیو: أنامش من عادتی أسلف أو أستلف بربالكن ما بالید حیلة عشان أخویا بسانیوممكن ناخد الفلوس بسرعة ولمدة ٣ شهور بس

شلوك: داكوردو ٣شهور بس٣ الاف دوقية ...مبلغ مش بطال ...ولمدة ٣ شهور من ١٢ شهر كوانتو كوستا ؟.... يعنى الفايدة ربع فايدة السنةماشى ح أفكر انطونيو (جانبا): مالقيتش غير شلوك الكلب المعفن ده تستلف منه

بسانیو (جانبا): ما ألاقیتش غیرهربا ربا بس أخلص (۲۳)

شلوك: سنبور انطونيو ... كذا مرة تقابلنى وتستهزأ بيا بسبب طريقتى فى استثمار فلوسى وأنا دايما أصبر على كلامك وما أرضاش أكلمك لانى عارف أن فى يوم من الايام ح تتزنق وتجيلى و وتطلب أنى أسلفك زى دلوقتى بالظبط

انطونيو: انت بتتشفى فيا بقى ؟

شلوك: فاكريا انطونيو لما تفيت عليا وطردتنى من مكتبك وضربتنى بالشلاليت زى الكلب ... أهو أنت دلوقتى جيت للكلب وبتطلب منه ٣ ألاف دوقية سلف

انطونیو: ومش ندمان علی اللی عملته لانك بتستغل حاجة الناس وماعندكش ضمير

شلوك: أنا ما عنديش ضمير ؟

انطونیو: أنا متأكد انك ح تسلفنی المبلغ من غیر تردد وأنت مالكش حاجة عندی غیر فلوسك والربا بتاعك ح أرمیهملك علی أقدم جزمة فیك یا فینیسیا

شلوك: انت متعصب كده ليه ؟.....أنا عايز أصاحبك وأبقى قريب منك وأنا عايز أنسى اللى فات وأنا عشان أثبت لك حسن نيتىأنا مش ح أخد فايدة .ربازى ما بتقولوا .

انطونيو (لبسانيو): شلوك الشيطان بقى ملاك، تيجى ازاى دى ؟

انطونيو: ده إيه كرم الاخلاق اللي نزل عليك ياشلوك ؟

شاوك: ح أثبت لك كلامىاحنا ح نروح لمحامى ...ولا على إيه محامى ...ولا على إيه محامى فلوس كتير على الفاضىأنا أعرف أكتب العقد بنفسىانت يا سنيور انطونيو ح توقع العقد بنفسك انت لوحدك بس وإذا ما سدتش ٣ ألاف دوقية فى الميعاد ح أطلب على سبيل التسلية والهزار مش الجد ح يكون الجزاء كيلو واحد من لحمك ح أقطعه ومن أى حته فى حسمك

بسانیو (بغضب): ایسه اللی انست بتقوله ده ؟الکلام ده أول مرة أسمعه

انطونیو: أنا موافق وح أمضى على العقد وح أقول فى فينيسيا كلها ان شلوك قلبه كبير قوى وعنده رحمة

بسانیو: لا با انطونیو مش ممکن تمضی علی حاجة زی دی ابدا أناح أصبر بقه لما تیجی بضاعتی ویحصل اللی بحصل .

شلوك : مش انت يا سنيور انطونيو عندك نية السداد ؟ انطونيو : طبعا

شلوك :وأنا كمان ما عنديش شك في كده والشرط ده على سبيل (٢٤)

الهزار والتسلية بس

بسانيو: ومين اللي حينفذ لك الشرطده لو إحنا ما دفعناش

شلوك: ده قانون قديم بس لسه ما اتلاغاشواحنا اللى نقدر ننفذه، دا احنا اللى بنصنع القوانين أصلا

بسانیو: انتم مین بقه

شلوك: احنا الفلوس يا روحى

انطونيو: ياللا هات العقد أمضيلك عليه

شـــلوك (بفــرح): داكــوردوح اروح أجيــب الفلــوس مــن البيت ومعاهم العقد ...مش ح أتأخر عليكم .

يخرج شلوك

بسانيو (لشلوك): يا معفن (ثم يبصق عليه)

انطونیو: ما تخافش علیا یا بسانیو، لو وصلت أی سفینة من اللی متاخرین دول ح أقدر أسدد الفلوس كلها وانت لما تیجی بضایعك ابقی سدد لی براحتك

بسانيو: أنا ماكنتش عايز أحطك في الموقف دهوبعدين أيه موضوع كيلو اللحم اللي يقطعه ده ..هوده موجود في القانون أصلا.

انطونیو : موجود فی القانون من ۰۰۰ سنة وکانت موجودة عند ۷۲۱

الرومان والهنود والفرس من زمان

بسانيو: وما اتلغتش لغاية دلوقتي

انطونیو: لأ ما اتلغیتش بس ماعدش حد بیعمل بیهایاللا اتبصط و هیسی دا انت ح تروح لحبیتك ریجینا وانسی الموضوع ده.

يغلق الستار

الفصيل الأول

المنظر الرابع

شارع في البندقية

یدخل جوبو متذم ا(ملابسه یرثی لها وجسده نحیل ولحیته کثیفة)
جوبو: ده راجل فظیع بروتوبروتو.....ما شفتش مثیل له
ده شیطان مش إنسان أبدا...نفسی أهرب منه بقی ، كلمت أكتر
من تلاتین واحد عشان أشتغل عندهم ، كل ما یعرفوا أن أنا
شغال عند شاوك یرفضوا یشغلونی ...طیب أنا مالی بس
مصیبة ولزقت فیا

يدخل شيخ مسن والد جوبو ومعه سلة

الشيخ: لو سمحت بابنى ممكن تدلنى على بيت شلوك

جوبو (جانبا): أبويها !!...ومش عارفني !!.يظهر إن نظره ضعف أكتر

جوبو: انت عايز بيت شلوك ؟

الشيخ: ايوه يابني

جوبو: عارف المفرق دهتدخل منه بمين في شمال في بمين وي شمال في بمين وبعد كده تدخل منه بمين في شمال في بمين ..ح تلاقي

بيت شلوك قدامك

الشيخ: أنا مش فاهم حاجةبص يا بنى تعرف وأحد خادم عنده اسمه جوبو

جوبو: جوبو! الله برحمه

الشيخ: جوبو مات ..ابني مات

جوبو: لاهو ميت ولاحى ... هو شبه ميت

السيخ: قوللى بسرعة ... هو ميت ولا حى ؟.. (يتأثر) ده سندى وعكازى في الدنيا دى .

جوبو: أنا ابنك جوبو يا بابا

الشيخ: انت جوبو!! مش معقول!! ده انت كنت تخين وملظلظ ... إيه اللي خلك مسلوع كده ..وايه الدقن الكبيرة اللي في وشك دي

جوبو: انا ابنك با بابا...مش مصدق ... وحياة ماما مارجرى اللي كنت بتناديلها دايما بمارى

الشيخ يأخذ ابنه بالحضن ومتأثرا لحاله

الشیخ: ابنی ...حبیبی ...مالك یا جوبو ..مش مرتاح عند شلوك فر بروبو: الله یخرب بیته ... جته داهیة تاخده

الشيخ : دانا كنت جايبله هدية عشان يهتم بيك ويسيبك تزورنى (۲۹)

عشان بقالنا كام شهر ماشفنكش وأمك زعلانة عليك

جوبو: جايبله هدية!! حار ونار في جنته

يدخل بسانيو مع خادم له

جوبو: باباالسنبور بسانبو اللى هناك ده تاجر محترم قوى وكريم قوى وسخى على الخدامين بتوعه ...ياريت تكلمهولى أشتغل عنده

الشيخ: حاضر يا جوبو

بسانيو (للخادم): خد وصل الفاتورة دى واديها لجراتيانو وخليه يستلم منك البضاعة كويس

الخادم ليوناردو: سي سنبور

يخرج الخادم

يقترب الشيخ وجوبو من بسانيو

الشيخ: بونجورنو سنيور بسانيو

بسانیو: بونجورنو.. أي خدمة ؟

الشيخ (متوسلا): بير فافورى بير فورى

يسانيو: أنا معاك يا والدى عايز أيه ؟

المشیخ: ده ابنی په سنیور غلبان قوی وشیغال عند شلوك .. ونفسه بشتغل عندك یا سنیور بسانیو

بسانيو: اسمك ايه؟

جوبو: جوبو يا سنيور بسانيو

بسانیو: بس أنا مش غنی قوی زی شلوك ..یمكن المرتب یكون أقل من مرتبك عند شلوك .

جوبو: هو بیدینی مرتب اصلا ... دا انا شغال عنده بلقمتی ویا ریت بتکفینی زی ما انت شایف اهو

يضحك بسانيو ضحكة عالية

بسانيو: خلاص أنا قبلتك .. تقدر تستلم الشغل من النهارده لو حبيت ... وخلى الخدم اللى عندى يجيبولك لبس أحسن من الهلاهيل دى

جوبو: جرانسي ميللي جرانسي قوى قوى ألف جرانسي

الشيخ: جراتسي سنيور بسانيو ...دي أم جوبو ح تدعيلك قوي

بسانيو: على إيه بس يا والدى

الشيخ: ممكن تقبل الهدية المتواضعة دى منى

يعطى الشيخ السلة لبسانيو

بسانیو: جراتسی یا والدی

يخرج جوبو ووالده

يدخل جراتيانو

جراتیانو: بونجورنو بسانیو

بسانیو: بونجورنو جراتیانواستلمت البضاعة و لا لسه جراتیانو: لسه بنستامهاأنا جایلك عشان فی حفلة جمیلة و ح

نجمع كلنا ويمكن انطونيو يكون معانا

بسانيو: ماشى أنا جاى الحفلة.

يغلق الستار

الفصل الثاني

المنظر الاول

حديقة منزل شايلوك

شلوك: بونو بونو ...انت بقه بنفسك ح تحكم على الشغل عندي ولا الشغل عند بسانيوجيسيكا (ينادى عليها)

شلوك (يستكمل): مش ح تاكل عنده أكل يشبعك زى ما كنت بشبعك دا أنا كنت بعلفك يا جوبوجيسيكا

يشير جوبو من ورائه اشارة سخرية

شلوك: ومش ح تعرف تنام براحتك زى ما كنت عندى وح يلبسك أوحش لبس جيسيكا أنا بنادى عليك يا جيسيكا

جوبو: یا جیسیکا

شلوك: مين قالك تندهلها؟ أنا اذنت لك؟ وبعدين انت نسيت نفسك اسمها السنيورة جيسيكا

جوبو: سكوزا مى ... أسف سنيور شلوك

شلوك: بقى السنيور بسانيو عازمنى على حفلة ، يا سلام

جوبو: مشح تروح الحفلة ولا ايه؟

شلوك: الحفلات دى بيبقى فيها تبذير كتير وفلوس بتصرف على الفاضي بحس انها بتقطع في لحمىيا جيسيكا

جيسيكا: أيوه يابابا .. عايز حاجة ؟

شلوك: أنا رابح لبورصة الريالتو وح أغيب هناك لانى حلمت امبارح ان في فلوس في اشوالة نزلت عليا من السما

جوبو (جانبا) : دى مصايب ح تنزل عليك من السما

جيسيكا: حاضر يابابا

شلوك: اقفلي الشبابيك كويس، واذا سمعت الشباب الصيع اللي بيغنوا ويرقصوا ويصفروا أوعى تفتحي لهم الشباك وتبصلهم.

جیسیکا: حاضر یا بابا

شلوك: أنا ما حبش المسخرة تخش ببتى الهادى الرزين

جوبو (جانبا كأنه يزله): خصوصا بيت جارتنا صوفيا الست القشطة دي

شلوك (مرتبكاوجانبا)): صوفيا مين يا كلب ؟ (بصوت عالى) انت مستنى ايه ما تمشى بقه ؟

جوبو: الشنطة بتاعتى

شلوك: ادخل خدها بسرعة

يحضر حقيبة صغيرة من الداخل

جیسیکا: خلاص ح تسیبنا یا جوبوأنا کنت بعزك قوی زی

أخويا بالظبط وكنت بتخفف عنى وحدتى

شلوك: أخوك؟ كنت أنا مخلفه ومش واخد بالى؟ أخوك؟ يا سلام

جوب : مش ح أنساك با سنيورة جيسيكا ح أبقى أزورك (بصوت منخفض) بس لما أبوك ما يكونش هنا

تخرج جيسيكا من طيات ملابسها ورقة

جيسيكا (بـصوت مـنخفض): ادى الورقة دى للـسنيور لـورنزو صاحب بسانيو سيدك الجديد واوعى حد يشوفها

جوبو: ما تخافیش ح بیجی ویخطفك من أبوك

تضحك جيسيكا وتضربه على كتفه (ضربة مزاح)

شلوك أثناء حديث جوبو مع جيسيكا كان يقوم بعد نقود معدنية ويستمتع بصوتها الرنان

شلوك : كان بيقولك أيه المعتوه ده ؟

جیسیکا: کان بیسلم علیابس کده

يمشى جوبو

شلوك : تعالى هنا ! رايح فين وريني الشنطة .

يفتش شلوك في الحقيبة فلا يجد فيها شيئا

جوبو (بحزن): ما فیش فیها حاجة یا سنیور شلوك ، مافیش

فيها حاجة

شلوك: ما أنا عارف كده بس بتأكد

يخرج جوبو

شلوك: الواد ده صعبان عليا قوى ...بسانيو ح يجوعه وبكره ح يحلف بأيامي

جيسيكا (بسخرية): أكيد طبعا يابابا طبعا أكيد

شلوك: باللا ادخلي البيت واعملى اللي قلتلك عليه

يخرج شلوك

جیسیکا: أنا ذنبی إیه أبقی بنت شلوك ؟ أنا مش راضیة عن تصرفاته کلها، بیتنا عامل زی الجحیم واللی کان بیخفف عنی الوحدة جوبو، سامحنی یارب علی اللی ح اعمله، ویارب یا لورنزو تعرف تتصرف بلو لورنزو عرف یتصرف یبقی کسب قلبی وروحی وان ماعرفش یتصرف ضاع قلبی وروحی وضعت أنا کمان معاهم

تدخل البيت وتغلق على نفسها

ينطفيء جزء من نور المسرح

تشغل جيسيكا أغنية رومانسية لنانسى عجرم(حبك ليا غالى عليا) بعد فترة بدخل بسانيو وجراتيانو وانطونيو ولورنزو

جراتيانو: هو ده المكان اللي قالتلك عليه في الجواب؟

لورنزو: ايوه هوه

انطونيو: أمال مش موجودة ليه؟

لورنزو: مش عارف ؟

جراتيانو: كانت كاتبه ايه في الجواب؟

لورنزو: كانت كاتبالى طريقة الهروب من البيت والميعاد اللى ح تهرب فيه.

انطونیو: احنا جینا فی المیعاد بالظبط أهوطیب روح نادی علیها أبوها مش موجود دلوقتی

لورنزو: فعلا هي كتبالي انه ح يكون في بورصة الريالتو

يتجه ناحية الباب وينادى

لورنزو: جيسيكاجيسيكا

تغلق الموسيقي

تخرج جیسیکا فی زی رجل

لورنزو (بانزعاج): انت مين ؟

جيسيكا: أنا جيسيكا يا لورنزو

لورنزو: وعاملة كده ليه ياحبيبتى؟

جيسيكا: عشان ماحدش بشوفني ويعرفني وبوصلوا لمكانا

لورنزو: بس انت برضه حلوة وزى القمر حتى لو فى شكل راجل ...بس استنى انت غيرت لبسك بلبس راجل بس ولا فى حاجة تانية? ... أو عى تكونى عملت عملية تحويل كمان ... ساعتها ما أعرفكيش

جیسیکا تضربه علی کتفه (ضربة مزاح)

انطونيو: مش وقته الكلام ده يا لورنزو....ياللا عشان نمشي

جيسيكا (تنتبه): ح أجيب الشنطة بتاعتى وأجى بسرعة

لورنزو: مش عايزين شنط ولا حاجة ... ياللا بس

جيسسيكا: لازم ده أنسا جايبة فيها كل المجوهرات بتاعتى والفلوس اللي ورثتها عن أمي.... (تدخل جيسيكا)

لورنزو (لاصدقائه): بنت حلال والله

جراتيانو: مش بنت شلوك خالص!!!

انطونيو: خلى بالك منها يالورنزو حطها في عينيك

تخرج جيسيكا بحقيبة قيمة وممتلئة

بسانیو: برونتو یا جیسیکا

جيسيكا: برونتو

بسانيو: باللايا جماعة بسرعة

يخرج الجميع ويغلق الستار (٣٨)

الفصل الثاني

المنظر الثاني

شارع في البندقية

يدخل سالارينو وسولانيو

سالارينو: شفت فين بسانيو وجراتيانو؟

سولانيو: في الميناء ، بيشوفوا أخبار السفن اللي وصلت

سالارينو: وسفن بسانيو ولا انطونيو وصلت ولا لسه

سولانيو: لسه ما وصلتش ...ايه اللي حصل ؟

سالاربنو: شلوك الندل داير في فينيسيا كلها يصرخ ويولول عشان بنته جيسيكا لدرجة انه شك في انطونيو و بسانيو انهم خطفوها وقدم بلاغ ضدهم عند حاكم فينيسيا

سولانيو: واتلاقوا جيسيكا ولورنزو؟

سالارينو: لأما تقلقش ما وصلوش لحاجة

سو لانبو: وشلوك بيقول إيه في الشارع

سالارينو: ماشي في السشارع والعيال ماشية وراه زى العبيط ويقول بنتى فلوسى فين القانون بنتى هربت مع واحد كخيان فين العدالة والمجوهرات والالماظ بتاعت مراتى خدتهم معاها بيا مصيبتك يا شلوك

يضحكا هما الاثنان

سولانیو: زمانته عایز پنتقم من انطونیو بای شکل عشان شاکك فیه

سالارينو: على فكرة أنا سمعت امبارح من تاجر فرنساوى إن فى سفينة غرقت بحمولتها جاية من المكسيك وخفت لتكون السفينة اللى عليها بضايع انطونيو

سولانيو: انطونيو عرف الموضوع ده؟

سالارينو: مش عارف ؟...أنا لسه سايبه بيسلم على بسانيو وبيتمناله التوفيق مع حبيبته ريجينا

سولانيو: انطونيو انسان حساس قوى ، أصلهم كانوا أصحاب من أيام الطفولة لما كانوا بيلعبوا الكورة الشراب في حوارى فينيسيا

سالارينو: تعالى ندور عليه ونخفف عنه شويه ويارب ما تكونش الحكاية دى صحيحة.

سولانيو: ياللا.

يدخل لورنزو

سولانيو: ايه يا لورنزو؟ ايه أخبار بورصة ريالتو؟

لـورنزو (بخـوف): الإشاعات موجـودة ومفيش حـد قـادر يكـذبها، بيقولـوا ان سـفينة انطونيـو غرقـت فـى المحـيط الاطلنطـى قبـل مـا تدخل البحر المتوسط والمكان ده صعب قوى، قليل لما تنجى منه

سفينة .

سولانبو: أتمنى انها تكون إشاعة مش صحيحة

سالارينو: عشان نكون واقعيين، انطونيو خسر السفينة دى

سولانيو: يادى المصيبةربنا معاك يا أنطونيووأدى مصيبة تانية جاية أهى من بعيد

يدخل شالوك حزينا

سولانيو: ايه الاخباريا شلوك في موضوع السفينة؟

شلوك: ما انتو عارفين كل حاجة ، وعارفين كمان هروب جيسيكا بنتى

سالارینو: طبعا عارفین، وأنا عارف هربت ازای و هربت فین ؟ للورنزو (بارتباك): طبب أناح أمشى عشان عندی شنل

شلوك (بلهفة): قوللي بسرعة جيسيكا هربت ازاى ؟

سالارينو: عملت جناحين من عشة الفراخ والبط اللي في القصر بتاعك وطارت بيهم على فرنسا

شلوك: على فرنسا ؟ يا مصيبتك يا شلوك

ويضرب على رأسه بكلتا يديه

سولانيو: أي عصفور يا شلوك نبت ريشه لازم يهجر عش أبوه ويدور على وليف له

شلوك: دى خدت معاها الفلوس والمجوهرات وكان فيها فيصوص الماظ وماس

سولانيو: بس ده ورثها من أمها يا شلوك

شلوك (بتعجب) : وأنت عرفت ازاى الكلام ده ؟

سالارينو: فينيسيا كلها عارفة الكلام ده

شلوك: أنا لازم أموتها بإيدى وأقطع لحمها حتت حتت وأرميها نصمها في البحر والباقى في البحركده يا جيسيكا تسيبي أبوك الطبب

سولانيو (جانبا): دلوقتى الشيطان بقى طيب

سالارينو: انساها بقى يا شلوكوانمنالها السعادة من قلبك

شلوك : ازاى انسى انسى لحمى ودمي

سولانيو (جانبا): جيسيكا عمرها ما كانت لحمك ولا دمك

سالارينو: قولنا أخبار السفينة اللي غرقت

شلوك (بخبث): ودى كمان خسارة تانية

سولانيو: خسارة برضة باشلوك!! انت نفسك انطونيو ما يعرفش يسدد القرض وتنفذ الشرط اللي في العقد

شلوك: انتم بتسيئوا الظن دايما بيا ليه ؟ ده أنا بتمناله كل خير ... هو كان دايما بيخسرني ومرة خسرني نص مليون دوقية ... ودايما يسميني شلوك المرابي ... ودايما يبوظ صفقاتي ... لكن

أنا مسامحهعشان أنا طيب

سولانيو (جانبا): الله يخرب بيت طيبتك دى

سالارينو: احنا اتأخرنا با سولانيو على انطونيوياللا نروحله بسرعة

شلوك (بخبث): ابقوا سلمولى عليه

يخرج سولانيو وسالارينو

يدخل توبال

شلوك: توبال ...عرفت أخبار عن جيسيكا ؟ في حد اتلاقاها ؟

توبال: قلبنا فینیسیا کلها ...مش عارفین نوصل لحاجة تعرفنا بس هی فین

شلوك: يا مصيبتك يا شلوكيا خراب بيتك يا شلوك ..لوكانت ماتت قدامى كان أهون عليا من سرقتها للفلوس والمجوهراتدانا دفعت كتير قوى للناس اللى بتدور عليهاأدفع ايه تانى بقه ?....الولا اللى اجوزته ده ح يستمتع بالفلوس والمجوهرات لوحدهيامصيبتك ياشلوك .

توبال: في أخبار تانية مش حلوة.

شلوك : قول يا توبال ...ماهى أخبارك النهارده زى وشك

توبال: ایه یا شلوك ؟ انت ح تقلب علیا أنا كمان

شلوك: قول بقه وخلصنى

توبال: سمعت ان انطونيو ضاعتله سفينة كمان جاية من طرابلس شلوك (بفرح): متأكد من الكلام دهمتأكد يا توبال توبال: أنا لسه جاى من بورصة ريالتووالكلام هناك كتير قوى بسبب الموضوع ده

شلوك: جراتسى يا توبال ...دى أخبار كويسة جدا كويسة قوى هات راسك أبوسها

يقبل رأس توبال

الفصل الثاني

المنظر الثالث

منزل ريجينا

نريسا (مخاطبة الخدم): ياللا هاتو الصناديق بسرعةأمير جنوا على وصول دلوقتى

تدخل ريجينا وهي شبه مكتئبة

نريسا: ما لبستيش أحسن حاجة عندك ليه يا سنيورة

ریجینا: أنا زهقت یا نریسا

نريسا: ح أروح أتابع الغدا اللي ح يتقدم يا سنيورة

ریجینا: روحی یا نریسا

يدخل أمير جنوا ومعه خدم

(الأمير كريه المنظر وطويل جدا وضخم الجثة بشكل غير عادى)

ريجينا (تنظر إليه مذهولة): بونجورنو سنيور

الأمير: انت السنيورة ريجينا

ريجينا (باضطراب): لا لا ...مش أنا الخدامة بتاعتها

الأمير: الخدامة ؟ أمال هي فين ؟

ريجينا: جاتلها مصيبةجالها مغص والدكتور قالها ما تقومش من السرير لمدة أسبوع

الامير: هو أنا ح استنى هنا فى فينيسيا أسبوع كامل ؟ طيب بقولك ابه ؟ أنا سامع انها جميلة قوى ، صحيح الكلام ده ؟

ريجينا: صحيح طبعا ...دى قمردى شبهك تمام

الامير (بقرف): شبهي تمام ؟

ريجينا: على رأى المثل المصرى فولة واتقسمت نصين.

الامير (يهم بالانموراف): هو أناح أجوز واحدة دكر....(متهكما عليها) ...انت وشك نحس

يخرج الامير وحاشيته

ریجینا: أنا وشی نحس یا طور....ده انت حتی ما تنفعش دکر بط

يدخل الخادم ستيفانو

الخادم: سنبورة ريجينا

ریجینا: سی

ستیفانو: هو فی واحد جه ومعاه هدایا جمیله قوی وبیستأذن یقابلك

تدخل نريسا

نريسا: هو فين الأمير؟

ریجینا: راح فی ستین داهیهانا مش عایزه حد یقابلنی تانیمش عایزه اجوزمش عایزه اجوزمش عایزه اجوز

نريسا: الراجل اللي مستنى ده اسمه ايه ؟

الخادم: هو تاجر كبير في فينيسيا اسمه بسانيو

لم تنتبه ریجینا

نريسا: بسانيو ... (تنظر لريجينا) سنيورة ريجينا اسمه بسانيو

ریجینا (تنتبه بفرح): بسانیو ...بسانیو ..بسانیو .یمکن الحلم پیقی حقیقة ؟؟....یارب کون معایا

نریسا: روحی اتزوقی بقی یا سنیورة

ريجينا (بفرح وارتباك): حاضر ..حاضر

تخرج ريجينا ونريسا

يدخل بسانيو وينظر للقصر

بسانیو: کل حاجة زی ماهی ما فیش أی حاجة متغیرة تدخل ریجینا و تفاجأ ببسانیو

ريجينا: بسانيو؟ ... أهلا أهلا يا بسانيو ازيك

بسانیو: ازیك یا سنیورة ریجینا

ريجينا: أنا ما شفتكش من شهور طويلة

(£ Y)

بسانیو: غصب عنی با سنیورهبس انت کنت فی فکری وعقلی فی کل لحظه

ریجینا (بدلع): لو کنت زی ما بتقول کنت جیت عزتنی فی والدی

بسانيو: كنت خايف أشوف ريجينا الجميلة الرقيقة وهي حزينة

ریجینا: بس ده والدی یا بسانیو

بسانیو: اعذرینی یا ریجینا ...اعذرینی

ريجينا (بعطف): مسامحاك يا بسانيو

بسانيو: عايز أقولك حاجةبس خايف

ريجينا (بلهفة): قول يا بسانيو ماتخافشقول

بسانیو (متردد): أناأنا

ريجينا: انت ايه يا بسانيو ؟ انطق بقه

بسانيو: أناأنا

ريجينا (بنفاذ صبر): انت عايز تجرب حظك في الصناديق ؟؟

بسانیو: سی ...سی ...عایز أجرب حظی

ريجينا (بفرح): ومش خايف انك تفشل ؟؟

بسانیو: انا عندی امل کبیر انی ح انجحانا بحبك قوی باریجینا ریجینا (بفرح): أنا كنت مستنیة الكلمة دی من زمان بسانیو (بفرح): یعنی انت بتحبینی زی ما بحبك

ریجینا: کلمتك دی جایة متاخرة قویایوه یا بسانیو بحبكبحبك قوی یاحمار

بسانيو: حمار ؟؟

ريجينا: يعنى ماكنتش شايف نظراتى ليك، ما كنتش حاسس بكلامى، ماكنتش حاسس بجسمى وقلبى اللى بيتنفض لما بيشوفك.

بسانيو: طيب كنت قوليلي ياريجينا انك بتحبيني

ريجينا (غاضبة): هوه أنا الراجل ولا انت ؟؟ ياحمار

بسانیو: بلاش حمار دی والاح أرفسكأنا كنت خایف أنرفض زى كل اللي بير فضهم أبوك

ریجینا: اللی ما تعرفوش ان أی عریس مناسب، أبویا بیاخد رایی فیه و الرفض بیجی منی أنا

بسانيو: يعنى لو كنت اتقدمت كان أبوك وافق عليا

ريجينا: وكنا بقينا مجوزين من زمانيا حمار

بسانیو: أنا فعلا حمار ...بس ماتفکرنیش کل شویة انی حمار عشان ما أعبطش وأنهق

تدخل نريسا

نریسا: بونجورنو سنیور بسانیو

بسانیو: بونجورنو یا نریسا

نريسا: أجيب الصناديق يا سنيورة ؟؟

بسانيو: هاتيها بسرعة

ریجینا (خائفة): استنی یا نریسا

نريسا: مالك يا سنيورة

ريجينا: خايفة ...خايفة قوى

بسانيو: خايفة ان أنا أفشل ؟؟

ریجینا: سی یا بسانیو

بسانیو: متخافیش یا ریجینا

نریسا (جانبا لریجینا): لو ده حصل فعلا یا سنبوره ...ح تعملی ایه ؟

ريجينا (بحزن): ح أضطر أخالف وصية والدىويارب أبويا يسامحنى وكمان ربنا يسامحنى لانى أقسمت باسمه على تنفيذ الوصية.

بسانیو: أنا عندی أمل كبير انى ح أفوز بك وح تنفذی وصية والدك ومش ح تزعلیه فی قبره ...ربنا يبشبش الطوبة اللی

تحت راسه

ريجينا: ياريت يا بسانيويارب يكون كلامك صحيح. تاتى الصناديق الاربعة

يدخل جرانيانو

جراتیانو: بونجورنو علیکم کلکم پری الصنادیق

جراتيانو: يارب استرها مع عبدك الغلبان ده

بسانیو: اسکت بقه انت ح تشحت علیا ؟

جراتيانو ينظر لنريسا باعجاب ويتوجه اليها

جراتيانو: هو حضرتك مرتبطة؟

نريسا (بدلع): وانت مالك؟ انت ح تصاحبني كده من أولها؟

جراتیانو: استنی بس ما تتقلیش قوی کده

بظل يتحدث معها حديث صامت

بنظر بسانيو اليها ويقرأ ماعليها ويتحير

الصندوق الصفيح ده

ريجينا تضع يديها على وجهها خوفا

تعطى نريسا له المفتاح

بسانيو: الصندوق في صورة لك ياريجينا حلوة قوى

ريجينا (تنتبه): مكتوب ايه في الصندوق با بسانيو؟

يبحث في الصندوق

بسانیو: فیها ورقه مکتوب علیهاأنت جدیر بالزواج من ابنتی الحبیبةالف مبروك

فرحة عارمة تهز أركان المسرح ، نريسا تزغرد على الطريقة المصرية

-----استعراض -----

نریسا: مبروك ألف مبروك با سنبورة ریجیناأنا فرحانة قوى

ریجینا: ما تیجی تقرصینی فی رکبتی یا بت

نريسا: مش محتاجة أقرصك هو وقع على طول

نريسا وريجينا تضحكان

جراتيانو: مبروك يا بسانيو ... اتحقق حلمك ... عقبالى انا بقه، أنا عايز أقرصك في ركبتك بسانيو: هي الرجالة اللي بتقرص في الركبةياخيبتك جراتيانو: تعالى يا نريسا أكلمك عن حياتي من بعد ما وقفنا نريسا (بخضوع): حاضر

يخرج جراتيانو ونريسا

بسانيو: انت بقيت ليا لوحدىأخيرا

ریجینا: وانت بقیت لیا لوحدی یا نور عینی، دلوقتی بقت روحی وقلبی بین ایدیك، انت مولای وأنا ملكك، انت حبیبی وأبویا وابنی اللی جای، القصر وخدم القصر وفلوسی وأنا نفسی طوع أمرك یا نور عینی.

بسانیو: طیب احنا مستنیین إیه؟

ریجینا: یعنی ح نعمل ایه دلوقتی ؟

بسانيو: ياللا نروح الكنيسة ونجوز بقهده اليوم اللي مستنيه من زمان

ريجينا: استنىاستنىانت جبت التلاجة النوفروست الأول ؟

بسانيو (باستغراب): أيوه جبتها

ريجينا: جبت البوتاجاز ٥ شعلة

بسانیو (بضیق): جبت بوتاجاز ۲۰ شطهٔعایزه ایه تانی ؟ (۳۰)

ريجينا: جبت غسالة فول أتوماتيك

بسانيو (بنفاذ صبر): جبنها خلاص

ريجينا: جبت فرن الميكرويف

بسانيو (بذهول): أه الميكرويف..... الميكرويف أه

يبحث بسانيو عن شيء حول المسرح فيجد عظا غليظة

تتعجب ريجينا أثناء بحثه وعندما ترى العبصا تجرى خارج المسرح

ريجينا: الحقيني يا نريساالحقيني يانريسا

بسانيو يتعجب ويضرب كفا على كف ويرمى العصا

يدخل جرانيانو ونريسا

جراتیانو: خلاص یا بسانیو اتحقق حلمی ولقیت عروسهٔ لطیفهٔ قوی

بسانيو: معقولة لقيتها فين ؟؟

جراتيانو: لقيتها هنا

بسانیو: هنا فین بعنی ؟

جراتبانو: قدامك أهىنريسا

بسانیو (بفرحة): مبروك با جراتیانو ...مبروك یا نریسا نریسا: ده من بعد إذنك یا سنیور بسانیو تدخل ريجينا رقبتها من خارج المسرح

ریجینا: أمان یا نریسا

نربسا: تعالى يا سنيورة عشان تشاركينا فرحتنا

تدخل ريجينا على حذر

بسانيو: اسمه ايه ده ؟ الميكرويف؟

ريجينا: لا لا مالوش لازمة الميكرويف

بسانيو (بعنف): مش عايزه حاجة كمان ؟

ريجينا: لا لا مش عايزة حاجة.

جرانيانو: ياللا نروح الكنيسة عشان نجوز كلنا

تدخل جيسيكا ولورنزو

بسانيو: أهلا يا لورنزوازيك يا جيسيكا ...ايه اللي حصل ؟ في إيه ؟

إيه أخبار أنطونيو ؟

لورنزو: مصيبة يا بسانيو ..مصيبة

بسانيو: إيه اللي حصل لانطونيو؟

لورنزو: سمعنا إن في أخبار في بورصة ريالتو بتقول أن سفن انطونيو كلها مفقودة ومافيش أمل في أي واحدة توصل للميناء بسانيو: مش معقول الكلام ده ...فين السفن اللي جاية من

طرابلس ولا المكسيك ولا انجلترامش معقول الكلام ده

لورنزو: أنا برضه مش مصدقعشان كده بعت سولانيو بتأكد من بورصة ريالتو بنفسه

بسانیو: یعنی کده ح یقع فی اید شلوك ... (ینتبه) خدی با ریجینا ضیفتنا الطیبة جیسیکا وقومی معاها بالواجب

ريجينا: جيسيكا ؟ مش انت بنت شلوك ؟

جيسيكا: ايوه أنا بنت شلوك وبحب أبويا ..بس مش راضية عن أفعاله

ريجينا تحتضن جيسيكا

ریجینا: تعالی یا حبیبتی

تخرج ريجينا وجيسيكا ونريسا

بسانیو: احنا لسه ح نستنی سولانیو ما انت عارفه بطیء زی السلحفاة...روح انت یا لورنزو بسرعة انت طبعا عارف بورصة الریالتو فین ؟

لورنزو: لا ما أعرفهاش

بسانيو: طيب عارف قصر سان لوكا؟

لورنزو: أيوه عارفه

بسانيو: الشارع اللي وراه بقه لما تخش فيه حتلاقي مقلى

اورنزو: مقلى ؟....مقلى ايه؟ ايوه عارفها وبعدين

بسانيو: جنبها محل بينزا مظبوط

لورنزو: ايوه مظبوط

بسانیو: جنبها محل کشری

لورنزو: كشرى؟ كشرى إيه؟ احنا في ايطاليا ولا في مصر؟

بسانیو: کشری ایطالی باعم

لورنزو: ازای بعنی کشری ایطالی ؟

بسانیو: یعنی من غیر حمص

لورنزو: ايوه عارفه وبعدين خلصني

بسانیو: ایبوه تسیبك من الشارع ده خالص ، ادخل الشارع اللي وراه

لورنزو: بارب ارحمنی

بسانیو: أول ما تدخل الشارع ح تلاقی قهوةعلى فكرة القهوة دى بتعمل زبادى خلاط میه میه

لورنزو :مش عايز أشرب زبادىفين بقة البورصة ؟

بسانیو: جنبها علی طول بالظبط، انت کده وصلتحمد شه علی سلامتك

لورنزو (بضیق): جرانسی جرانسی قوی جرانسی بشده (بضیق) (۷۵)

يدخل سولانيو

لورنزو: أهو سولانيو جه

بسانيو: ايه يا سولانيو الاخبار مظبوطة ؟

سولانيو (يلتقط أنفاسه): الاخبار شبة مؤكدة

بسانيو: يعنى مؤكدة

تدخل ريجينا وجيسيكا

بسانيو: أنا اللي سلمته بأيدي لشلوك

ريجينا: مالك يا بسانيو

بسانيو: أعز أصدقائي انطونيو في ورطة صعبة قوى ...وأنا السبب فيها

ريجينا: ازاي يا بسانيو ؟ ازاى نعمل كده في صاحبك ؟

بسانیو: لا انت مش فاهمة ..أنا استلفت فلوس من شلوك بضمان شخصى من انطونیو

لورنزو: حاول عشرين تاجر انهم يسدوا عن انطونيو وشلوك مش عايز، وكل شوية يقابل الحاكم ويطلب منه انه ينصفه وبيقوله انه لو ماخدش حقه مش ح يتاجر هو وأصحابه المرابين في فينسيا كلها الا بعد ما يطمنوا ان شلوك ح ياخد حقه

بسانيو: وفينيسيا مدينة تجارية ضخمة ولو حصلت حاجة زي

دى المدينة كلها حيحصل فيها كساد والتجارة ح تتشل

جيسيكا: أنا سمعت بابا شلوك بيقول لتوبال ان لو انطونيو ما دفعش الفلوس في ميعادها مش حياخد منه أى مبالغ ولو اضعاف أضعافها هو عايز بس شرطه اللي في العقد كيلو لحم من جسم انطونيو

ريجينا: هو عزيز عليك قوى يا أنطونيو؟

بسانیو: ده مش صدیق وبس ده زی اخویا ده انبل إنسان فی فینیسیا کلها کریم ورحیم و بیحب فعل الخیر للی یعرفه واللی ما یعرفوش

ريجينا: طيب مستنى إيه ؟ روح انقذه من ايد شلوك بسرعةهو المبلغ المطلوب كام ؟

بسانيو: تلاتة ألاف دوقية.

ريجينا: ح أديلك عشرة ألاف دوقية ولا حتى عشرين ألف بمكن شلوك يقبلهم بدل الشرط الفظيع بتاعه

تخرج جيسيكا من حقيبتها كل النقود والمجوهرات بدون النظر لها

جيسيكا: خد دول معاك يمكن ينفعوا

لورنزو: أصيلة يا جيسيكا والله....أصيلة يا بت

بسانیو :حاضر ..حاضر (ینتبه) طیب مش ح نروح الکنیسهٔ نجوز الأول

ريجينا: ح نسروح الكنيسة ونجوز احنا الأربعة وبعدها تسروح على طول انت وجراتيانو عشان تنقذوا انطونيو

بسانیو: طیب بعد ما نجوز عایز أریح شویة ساعتین

ريجينا: لا يا حبيبى أنقذ صاحبك الأول ولما تيجى ج تلاقينى مستنياك على أحر من الجمرخد الخاتم ده وأوعى يضيع منك

بسانیو: یضیع منی ازای ؟ ده حیاتی کلها أقسماك بشرفی انه لوضاع ح یكون الموت أهون علیا من ضیاعه

نریسا: وانت یا جراتیانو ...خد الخاتم دهشاو جراتیانوشاو سنیور بسانیوشاو میانیو

ريجينا: شاو بسانيو

بسانيو (بحزن): شاو ريجينا (ينتبه) شاو إيه ؟ انتو ح تستعبطوا مش ح نروح الكنيسة الأول ... ياللا

تضحك ريجينا ونريسا ويخرجوا كلهم عدا لورنزو وجيسيكا

يغلق الستار

الفصل الثاني

المنظر الرابع

شارع في البندقية

يدخل شلوك وانطونيو وجراتيانو وبسانيو وسجان

شلوك: يا سجان ...امسكه كويس ..اوعى يهرب منك ..ده مكار قوى ...لو هرب منك ح أسجنك مكانه

شلوك: لازم أخد حقىلازم أخد حقى اللى فى العقدانت شتمتنى قبل كده وقولتلى يا كلب من غير ذنبأنا أنيابى ظهرت بقه وح أنهش لحمك دلوقتى فى المحكمة(للسجان) خد بالك منه كويس أوعى تغفل عنه

انطونیو: اسمع لکلامی بس

شلوك: مش ح أسمع أى كلام ...حاخد حقى بعنى حاخد حقى

بسانيو: انت ماعندكش رحمة يا شلوك

شلوك: سيبك من الكلام ده اللي لا يودى ولا يجيب ، خلى موضوع الرحمة ليكم يا شوية تجار فاشلين

جراتیانو: احنا فاشلین ؟ یا مرابی یا معفن

شلوك: أنا برضه كده؟مسيرك تقع تحت ايدى انت كمان يا جراتيانو

انطونیو: خلاص ما تکلمش معاه یا جراتیانو ...مالوش لازمة الکلام معاه

بسانيو: مش معقول القاضى حينفذ الشرط اللي في العقد

شلوك: مش ممكن يا روحي ...القانون لو ما اتنفذش تبقى فوضىاحنا اللى بنصنع القوانين يا روحى يا روحى

بسانیو (متذکرا): آه نسست ...انتم الفلوس یایا شویه مرابین

انطونيو: ياللا يا سجان ودينا المحكمة بسرعة.

يخرج الجميع

تدخل ريجينا ونريسا ومعهم خادم نريسا

ريجينا: كفاية كده يا ستيفانوالمحكمة على بعد شارعين من هنا؟

ستيفانو: مظبوط يا سنيورة

ریجینا: بلغ لورنزو وجیسیکا انهم یدبروا أمر القصر فی غیابی وما تعرفهمش أنا فین

سنيفانو: سى سنبورة

ريجينا: وخد الجواب ده لابن عمى الدكتور بيلاريو أستاذ القانون وهاتلى الرد بسرعة قبل جلسة المحكمةبسرعة باللا

ستيفانو: سي سنيورة

يخرج ستيفانو

نریسا: ح تعملی ایه یا سنیورة؟

ریجینا: مش ممکن اسیب صاحب بسانیو حبیبی ونور عینی فی ورطة زی دی وما أحاولش أساعده

نريسا: طيب احنا ممكن نعمل ايه ؟

ريجينا: طالما ما فيش أى محامى عايز يمسك القضية لأنها فاشلة وصعبة جدا من وجهة نظرهمأنا بقى عندى حل

نریسا: یعنی ح نقدری تعملی حاجة

ريجينا: ربنا معانا

يغلق الستار

الفصل الثالث

المنظر الاول

المحكمة

القاضى: اللي اسمه انطونيو موجود

انطونيو: أنا موجود وتحت أمر سعادتك

القاضى: أنا أسف للى حصلك ده، وانت قدام خصم ماعندوش شفقة ولا انسانية ولا رحمة

انطونيو: اللي يأمر به القانون أنا موافق عليه

القاضى: فين الخصم التاني اللي اسمه شلوك

جراتيانو: ولا يا شلوك ... سيادة القاضى عايزك

يدخل شلوك

القاضى: قرب شوية با شاوك ، الناس كلهم بيظنوا فيك أنك فاسى وماعندكش رحمة وقلبك مليان حقد اسود وأنا كمان حاسس كده برضه

شلوك: أنا ...دانا قلبى زى الحليب

القاضى: أنا بقول كده برضه ، عشان كده أنا متوقع انك ح تتنازل عن قطع كيلو من لحم التاجر الغلبان ده اللي اسمه انطونیووکمان ح تتنازل عن دیونه شلوك : أنا ؟

القاضى: أعظم تاجر لو حصلته الخساير دى كان فلس ، وكان التجار أمثالك وقفوا جانبه لغاية لما يقف على رجليه من تانى

شلوك: أنا مصمم على حقى ، الفلوس ميعاد سدادها هو إتاخر عليها وانا من حقى أخد الغرامة اللي ترضيني ، وسعادتك طبعا عارف انك لوما نفذتش القانون ، ده يعتبر مخالفة لأنظمة فينسيا كلها وسعادتك ح تكون مسئول عن الكلام ده كله

القاضى (بغضب): مش انت اللى ح تفهمنى القانون يا شلوك . ينكمش شلوك

القاضى: يعنى انت رافض تاخد ٣ ألاف دوقية وعايز تنفذ شرط الغرامة

شلوك: دانا أقسمت بالله انى أخذ الغرامةعايزنى أرجع في القسم بتاعىازاى ؟

القاضى: فى تاجر عاقل يرفض ياخد حقه اللى فى العقد وعايز بموت راجل تاجر زيه فى ضيقة وورطة

شلوك: دى حاجة تخصنى ، ده مزاجى الخاص ، يمكن تقول عليا مجنون بس انا لوعندى فار فى بيتى مستعد أدفع ٣ ألاف .

دوقية عشان اصطاده

بسانیو: بقی انطونیو فار یا معفن

شلوك: احترم نفسك

القاضى : ماحدش يكلم من غير اذن المحكمة .

بسانیو: انت حاقد علی انطونیو عشانه تاجر عنده ضمیر ومحبوب من کل فینسیا وانت تاجر خبیث ومرابی ومفیش حد بیحبك

شلوك (متضايق): سامع يا سعادة القاضى، بيشتمنى قدامك القاضى: ما حدش يشتم حد من غير اذن المحكمة

انطونیو: شلوك عایز یقضی علی حیاتی عشان أنا أنقذت ناس كتیر من شباكهخلاص یا بسانیو، ما تنساش انك بتتكلم مع راجل قلبه زی الحجر، وما تكلمش معاه تانی، یا سعادة القاضی أنا مستعد لحكمك

بسانيو: خد ستة ألاف دوقية مقابل التلاتة بتوعك وهات العقد اللي معاك

شلوك : ولو جبتلى ١٠٠ ألف دوقية ، مش عايز غير تنفيذ شرط العقد

القاضى: ازاى عايز نحكملك بالعدل وانت ما عندش رحمة

شلوك: ايوه أنا عايز العدل، عشان أنا طيب وما بظلمش حداللى بطلبه ده حقى وح أخده، وان ما خدتش حقى حيكون عار عليكم وعلى القضاء بتاعكم، ومش حيبقى لقوانين فينسيا كلها أى لازمة، لأنها ح تبقى فوضى بقى، أى واحد ممكن بنصب علينا وكمان يفلت من العقاب

بسانيو: انت اللي نصاب يا شلوك يا حرامي

شلوك (باحتقار): أنا مش ملزم أرد عليك

القاضى: مفيش حد يهزأ حد إلا بأذن المحكمة

شلوك: الموضوع طول أوى يا سعادة القاضي، أنا بطالب بحكمك إنى أخد حقى اللي في العقد

سالارينو: يا سعادة القاضي في واحد محامى متبرع للدفاع عن الطونيو

القاضى: هاته بسرعة

بسانیو: ما تخافش یا انطونیو، أنا مستعد أضحی بلحمی ودمی بدل منك قبل ما یمس شلوك شعرة منك یمكن المحامی ده یعمل حاجة

ندخل ريجينا (المحامى) ونريسا (كاتب المحامى) متنكرتان في زي رجلين ومعها حقيبة الاوراق يخرج شلوك سكينه كبيرة ويلوح بها و يشحذها على يده

المحامى: انت مستعجل قوى كده ليه مش تستنى الحكم

شلوك : مهما تدافع عن انطونيو، حاخد حقى برضه

جراتيانو: ربنا بلعنك، روحك الشردى روح ديب مفترس متقمصة فيك

شلوك: هدى نفسك شوية يا بابا ، أعصابك ح تتعب يا حبيبى ، باين إن مزاجك مش مظبوط النهاردهأنا واقف عشان أطالب بتنفيذ القانون والعدالة .

القاضي: يا أستاذ انت درست القضية كويس

المحامى: طبعا يا سيادة القاضى هو فين التاجر أنطونيو

شلوك (يشير اليه): أهو هو ده

المحامى: وانت طبعا الخصم شلوك

شلوك: ايوه أنا شلوك.

المحامى: القصية غريبة وأول مرة أقابلها، لكن مفيش حاجة في القانون في فينسيا تمنع انك تاخد حقك

المحامى (لانطونيو): انت معترف بصحة العقد

انطونيو: سي

المحامى: يعنى التوقيع اللي عليه بتاعك

 $(\lambda \Gamma)$

انطونيو: سي

بسانيو: أنا مستعد أدفع عشر أضعاف المبلغ اللي في العقد بس يرحم انطونيو

المحامى: الكلام ده مش مظبوطما فيش سلطة فى فينيسيا كلها تقدر تعطل قانون من قوانين المدينة ، ولو حصل كده ح تبقى فوضى كبيرة وتبقى سابقة خطيرة وح تحصل أخطاء كتيرة استنادا على المثال ده ، وده مش ممكن يحصل أبدا

شلوك: ايوه كده ...يسلم فمك يا أستاذده أستاذ بجد....ما فيش كارت معاك يا أستاذ

ريجينا: وريني كده العقد

شلوك: اتفضل أهو يا أستاذ

ريجينا: فعلا الميعاد فات ، ومن حقك أنك تقطع من لحمه كيلو واحد ، لكن لو عايز ترحمه وتاخد عشر أضعاف المبلغ اللي في العقد....

شلوك: لا يمكن العقاب اللى موجود فى العقد لازم أخده . المحامى : يعنى مُصر على رأيك مفيش فرصة تراجع نفسك نانى

شلوك: لأ أنا مُصر على حقى

المحامى (لانطونيو): ماشى اقلع القميص يا أنطونيو واستعد

شلوك : قشطه عليك يا أستاذ ده أنت جهبذ

المحامى (باستهزاء): احنا لازم ننفذ القانون ما نقدرش نخالفه

شلوك: طبعا طبعا

المحامى: معاك السكينة

شلوك: أهي معايا أهي .

المحامى : جبت معاك ميزان عشان توزن الكيلو

شلوك : ايوه جبيه معايا

المحامى: يالا قرب منه وخد كيلو واحد من لحم صدره ...وأوعى يزيد جرام أويقل جرام

شلوك (ممتعضا): حاضر يا أستاذ

يقترب شلوك من صدر انطونيو

المحامى: خلى بالك با شلوك وانت بتقطع لحمه أوعى تنزل منه نقطة دم واحدة

شلوك (منبهرا): يعنى ايه ما ينزلش دم منه وأنا بقطعه ؟

المحامى : هو انت ما جبتش معاك دكتور جراح ؟

شلوك (مذهول): لأ ما جبتش هو العقد بينص على الجراح

المحامى: هو انت عايز انطونيو ينزف لغاية لما يموت، انت كده ح تعمل جريمة قتل ... يعنى جناية ودى عقوبتها حسب قوانين المدينة الإعدام ومصادرة أموالك كلها.

فرحة شديدة في المحكمة

القاضى: ما حدش يهرج و لا يهيص من اذن المحكمة.

شلوك (مذهول ويضرب على رأسه بكلتا بديه) هو ده القانون ؟

المحامى: انت مش عارف القوانين و لا أيه؟

شلوك: في أي قانون اللي بتقوله ده؟

المحامى: دى من المادة ٧٥ من القانون ٢٦ لسنة ٥٥ والمعدلة في سنة ٧٤ والتي اتعدلت تاني سنة ٣٠

شلوك: سنة ٣٠ هو احنا في سنة كام

المحامى: انت مش حافظ القوانين ولا ايه ؟ ابقى اشتريلك نسخة من القانون من بره المحكمة يا روحى ياروحى .

جراتيانو: ده انت مش محام عادىده انت أستاذ وعالمخد بالك يا شلوك هو ده العدل ...هو ده الحق

شلوك (متضابقا): طيب أنا حأخد عشر أمثال العقدومش عايز حاجة من انطونيو

جراتيانو: الفلوس أهى (يخرج المال من الحقيبة)

المحامى: استنى ...استنى ...ماينفعش شلوك ياخد حاجة غير اللى موجود في العقد

جراتيانو (بفرح): أستاذ وربناأستاذ ورئيس قسم معاملة الحشرات (بشير لشلوك)

القاضى: لأكده لأ ...ماحدش يمسخر حد من غير إذن المحكمة

المحامى: خد حقك يا شلوك ...وأوعى تزيد عن الكيلو بجرام واحد أو تنعدم وتتحدم واحد أو تنقص عنه بجرام واحد والاح تتعدم وتتصادر كل أموالك ... إيه انت متردد ليه ؟ ... ياللا خد حقك

شلوك (بحزن): أناح أخد ٣ ألاف دوقية بتوع العقد بس وسيبوني أروح.

بسانبو: الفلوس أهىمعايا أهى

المحامى: استنى ... استنى ... هـو رفـض العـرض ده فـى المحكمـة دلـوقتى قدام سعادة القاضـى ... يعنى ماعدش ينفع ... شلوك عايز العدل فى شرطه اللى فى العقد

شلوك: يعنى كمان مش ح أقدر أخد راس مالى جراتيانو (مستهزأ): إما شلناك يا شلوك بنظر شلوك بنظر شلوك بنطر شلوك إليه بحسرة

المحامى: من حقك بس يا شلوك تاخد الشرط الفظيع بتاعك اللي في العقد وتنفذه على مسئوليتك

شاوك: ياخراب بيتك يا شاوك يا مصيبتك يا شاوك (يضرب رأسه بكلتا يديه) خدوا فوسى اشبعوا بيها المجرم طلع برىء والبرىء طلع مجرم (يشير لنفسه) أنا ضيعت وقت كتير هنا في المحكمة أنا وقتى بفا وس شاو يا سعادة ال (باستهزاء) يا سعادة القاضي .

المحامى: استنىاستنى قوانين المدينة بننص على أنه اذا ثبت ان أى واحد حاول يقضى على حياة انسان بطريقة مباشرة أو غير مباشرة ، تصادر نص أملاكه للمدينة والنص التانى للمجنى عليه

شلوك: يا مصيبتك يا شلوك ...يا خراب بيتك يا شلوكهوه ده القانون يا سعادة القاضى

القاضى : طبعا طبعا هوه ده القانون (للمحامى) القانون ده رقم كام يا أستاذ

المحامى: نفس القانون اللي قولته دلوقتي

جراتیانو (باستهزاء): أنا لو منك اجیب حبل واشنق به نفسیوحاجیبهولی علی علی حسابیدی أملاکی کلها ح تتصادر ح بیقالك ایه فی الدنیا القبر أحسن بقه

القاضى: أناح أقرر با شلوك بنص أملاكك لانطونيو والنص التانى لخزانة المدينة

شلوك: يا مصيتك يا شلوكيا خراب بيتك يا شلوكيعنى مش ح ألاقى فلوس أعيش بيهاخلاص ح أبقى شحات

القاضى: لألا ..كده لا ...ماحدش يولول من غير إذن المحكمة

جراتيانو: ما تخافش با شلوك ... ح أبعتلك على حسابى كل يوم عيش ومش ، حا أجيبهولك مخصوص من مصر من الصعيد عشان يحرق قلبك .

انطونيو: لو سمحتلي با سعادة القاضي. بالنسبة لنص أملاكه

اللى ح يبقى بناعى أنا متنازل عنه لبنته جيسيكا وجوزها القاضى: إيه كرم الأخلاق ده... أنها ماشفتش أخلاق بالشكل ده، وأنها كمان ح أقرر التنازل عن النص التانى المخصص للخزانة في مقابل انه يتنازل عنها لبنته

المحامى : موافق يا شلوك بحكم سعادة القاضى

شلوك (جاذا على أسنانه): موافقموافق طبعا

المحامى: اكتب العقد بسرعة يا كاتبما تفوقى يا نريسا انت نايمة على نفسك ليه ... (تنتبه لكلامها)اكتب العقد بسرعة يا كاتب ياللا

ينتبه جراتيانو وينظر بشك لنريسا التى تخفى وجهها بعيدا

شلوك: لو سمحت يا سعادة القاضى ...أنا حاسس بمغص جامد قوى و عايز أمشى وح أمضى على العقد بعدين القاضى: امضى على العقد الاول وبعدين روح المحامى: ممكن يمضيه على بياض اذا كان مستعجل قوى شلوك: على بياض ؟ ...لأ ما أمضيش ورقة على بياض بياض بسانيو: هى خربانة خربانةامضى أحسن لك

...(بسخرية) ناصح قوى يا شلوك

يوقع شلوك على الورقة وينصرف وهو حزين

الكاتب (للمحامي): أنا خايفة يموت فيها

المحامى: ما تخافیش، الورقة البیضاء دی ح نکتب فیها ان ثروته میش ح تتنقل لجیسبکا وجوز ها الا بعد و فاته احنا کنا بنادبه بس عشان يبطل حقده و خبثه على الناس

القاضى: (للمحامى): ممكن با أستاذ تقبل دعوتى على العشاء النهارده

المحامى: دى دعوة لطيفة منك يا سعادة القاضىأنا لازم أسافر دلوقتى حالااعذرنى

القاضى: ماشىبس لازم تلبى دعوتى فى أى وقت تختاره انت .

المحامى: تحت أمرك

بسانیو: أستاذنا العزیزأنا وانطونیو عاجزین عن السشکر ...لولاعلمك وحكمتك كان انطونیو حیموتممكن تقبل منی ال۳ ألاف دوقیة اللی كان حیاخدهم

شلوك الخبيث

انطونیو: انت تستاهل أكتر من كده اقبل المبلغ ده دلوقتی وأنا لما ربنا يفرجها علياح أديلك أكتر بكتير

المحامى: أنا مش عايز أتعاب ...أنا جاى متطوع عشان أنقذ إنسان بريء من ايد إنسان حقود ما عندوش رحمة

بسانيو: أخلاقك دى بقت نادرة الأيام ديطيب ممكن أخد من حضرتك تذكار بسيط

المحامى: أنا؟ ما عنديش حاجة اديهاك تذكارممكن انت تدينى تذكار منكالخاتم ده شكله ظريف بسانيو: (مرتبكا): ده؟ده خاتم تافهما يليقش بيك المحامى: مش ح أخد غيرهولا مش عايز تديهولى بسانيو: أنا أسف يا أستاذأنا ح أجيبك أغلى خاتم فى فينيسيا كلهالكن ده بتاع ريجينا حبيبتى وأقسمتلها انى ما أفرطش فيه

المحامى: حبيبتك لو عرفت اللى أنا عملته فى المحكمة عشان أنقذ صاحبك، كانت قالت لك اديهولهباين عليك متردد ؟ شاو

يحاول المحامى وكاتبه الانصراف

انطونیو: استنی یا أستاذ(لبسانیو) ...ادیله الخاتم وأنا ح أشرح الموضوع لریجینا

بسانيو (بحرن): اتفضل بسا أستاذ الخساتم المتواضع دهبس هو مش من قيمتك .

الكاتب (للمحمل جانبا): ح أشوف اذا كمان جراتيانو ح يفرط في الخاتم بتاعي كمان و لا لأ .

المحامى: أنا واثقة انك ح تخديه ، ولما نرجع ح يقسمولنا انهم فرطوا في الخاتمين غصب عنهم ح تبقى ليلتهم سودا هما الاتنين

الكاتب: ممكن الخاتم بتاعك ده تذكار يا سنيور جرابانو جراتيانو (متضايق): اسمى جراتيانوخدى الخاتم أهو الكاتب (بضيق وضحك مصطنع): شاو ...شاو يا سنيور جراتيانو.

يغلق الستار

الفصل الثالث

المنظر الثاني

(قصر ريجينا) الحديقة من الخارج

لورنزو: ضبوء القمر جميل النهارده قوى (وهو ينظر لجيسيكا) والنسيم الجميل نفسه يبوس الشجر وورق الشجر وفروعه كمان

جيسيكا: الشجر برضه!!

لورنزو: في ليلة زي دي كان روميو هيمان ومتيم بجولييت

جیسیکا: وفی لیلة زی دی کان أنطونیو کان متیم و هیمان ومغرم صبابة بکلیوباترا

لورنزو: وفى ليلة زى دى مشت جيسيكا من بيت أبوها الغنى مع حبيبها الطايش واجوزوا

جیسیکا: وفی لیلة زی دی لورنزو أقسم أنه مش بیحبها وبس لاده بیموت فیها، بس مكانش صادق فی كلامه

لورنزو: وفي ليلة زى دى جيسيكا الفاتنة ...وكمان المكارة الساءت الظن بحبيبها ..لكن هو مسامحها .

جيسيكا: اسكت دلوقتى ، ستيفانو جاى من بعيد أهو.

دخل ستيفانو

ستيفانو: بوناسيرا

لورنزو: في أخبار عندك يا ستيفانو

ستيفانوا :سى سنيور أنا جاى أبلغكم أن السنيورة ريجينا جاية الليلة دى

جيسيكا: وهي فين دلوقتي ؟

ستيفانو: هي في الكنيسة بتصلى وبتدعى ربنا أنه يكرمها بحياة زوجية سعيدة.

لورنزو: مين معاها ؟

ستيفانو: وصيفتها نريسا، هو السنيور بسانيو جه ولا لسه؟

لورنزو: لسه ماجاش، (موجها كلامه لجيسيكا) ياللا نجهز البيت عشان نستقبل السنيورة ريجينا

يخرج سنيفانو وندخل جيسيكا القصر

يدخل جوبو يغنى و هو جسمه ممتلىء وذقنه ناعمة وملابسه جبدة

جوبو: بولا بولا (٣) بارومبلا

بیتك باعصفورة وین مابشوفك غیر بتطیری ماعندك غیر جناحین حاكیناك وانت صغیرة جوبو: بوناسیرا سنیور....فین السنیور لورنزو ؟

لورنزو: ايوه أنا ،عايز إيه ؟

جوبو (متعجبا): أنت ؟...ده شهر العسل بيخلى الناس تربرب وتحلو قوى

لورنزو: عايز ايه?

جوبو: أمال فين سنيورة جيسيكا ؟

لورنزو (بحدة): السنيورة جيسيكا ؟ ما عرفش حد بالاسم ده ؟ جوبو: مش فاكرنى يا سنيور لورنزو أنا اللى اديتلك الجواب من جيسيكا

لورنزو: انت بتتكلم عن أيه؟

جوبو: هدى أعصابك عشان ماينزلكش عرق ولا حاجة ، دانا جايبلكم خبر حلو جدا

لورنزو: ايه هو الخبر الحلوده؟

جوبو: طيب مش ح تهرش الأول

لورنزو (غير فاهم): أهرش أيه ؟ ثم يهرش في جسده

جوبو (جانبا): هو جربان ولا أيه ؟ ، اهرش في جيوبك

لورنزو: ما تقول كده من الاول

يخرج قطعة معدنية ويعطيها لجوبو ويفرح بها

جوبو: سيدى السنبور بسانيو حايجي الليلة دى

ينظر لقطعة النقود

جوب : بلغ السنيورة جيسيكا تحياتىوقلها ما تخافش من جوبو ده أنا اللي توهنهم عن مكانها خالص

لورنزو (بارتباك): جيسيكا مين ؟؟

جوبو: ما تخافش يا سنيور لورنزو .قلها كمان تاخد بالها لان أبوها عامل زى المجنون دلوقتى وبيدور عليها فى كل مكان

لورنزو: لو قرب منهاح أقطع رجله ورقبته كمان.

جوبو: شاو

يخرج جوبو

ينصرف وتدخل جيسيكا

لورنزو: احنا لازم نعمل حفلة كبيرة عشان نستقبل السنيورة ريجينا والسنيور بسانيو

جيسيكا: أناح أشرف على تعليق الزينة والأنوار بنفسى

لورنزو: تعالى بس ، الخدم هما اللي يعملوا كل حاجة ، بصى الجو جميل جميل قوى .

جيسيكا: مش فاضيين للكلام ده دلوقتى

لورنزو: والسماء صافية والليل ساكن وممتع والقمر حلو قوى ، شايفة القمر باليلي

جیسیکا: لیلی مین ؟

لورنزو (مرتبكا): مش عارف هي مكتوبة كده.

جيسيكا: طيب تعالى ساعدنى وبلاش الكلام ده دلوقتى.

يدخل لورنزو وجيسيكا القصر، وتدخل ريجينا ونريسا المسرح

ريجينا: القصر منور قوى

نريسا: ومعلقين زينة كمان

يخرج لورنزومن القصر

لورنزو: سنيورة ريجينا أهلا بك في قصرك الحزين من غيرك

ريجينا: هو السنيور بسانيو جه ؟

نريسا: والسنيور جراتيانو جه معاه ؟

لورنزو: لسه ماجوش، بس فى واحد جه وقال أنهم حا بيجوا الليلة

ريجينا (بفرح): الليلة دىيالا يا نريسا قوللى للخدم ما يجيبوش سيرة اننا غبنا عن القصر ، ولا انت يا لورنزو و جيسيكا ، اياكم تقعوا في الكلام

لورنزو: ما تخافیش مننایا سنیورة، احنا ما بنقعش فی الکلام ، دانا حتی کلامی قلبل قوی .

يدخل لورنزو القصر

ریجینا (بفرح): أنا حاسة ان اللیلة جمیلة قویكانی بشوف كل حاجة لاول مرة السماءالقمر اللیل الشجر حتى قصرى كأنى بشوفه لأول مرةیا ترى انت فین یا بسانیو

يدخل بسانيو وجراتيانو

بسانيو: أنا وراك أهو يا روحى

تلتفت ريجينا بفرح

ريجينا: بسانيو بسانيو انت اتاخرت عليا قوى

بسانيو: دانا أول ما خلصنا القضية جيت على طول

ریجینا: نورت قصرك یا روحی ویا سیدی

بسانیو: أنا جایب معایا صدیق عمری عشان تتعرفی علیه

ريجينا: انطونيو?

بسانيو: ايوه انطونيو

يخرج ليأتي بأنطونيو

يذهب جراتيانو لنريسا وهى فرحه بقدومه

يدخل بسانيو ومعه انطونيو

بسانیو: تعالی با أنطونیوأقدملك أنطونیو الراجل اللی انا مدین له بحیاتی كلها ریجینا: صدیق بسانیو و حبیبه ببقی زی أخویا بالظبط لانی سمعت أنك كنت ح تضمی بحیاتك عشانه

أنطونيو: بسانيو أخويا من زمان ولو اتعاد الموقف اللي حصل ح أعمل اللي عملته من غير ندم حتى لو كان في مقابل حياتي.

بسانيو: كفاية كدة لحسن أعيط بقه يا انطونيو

ريجينا :أهلا بك فى قصرنا المتواضع ، ولازم تحضر معانا احتفال بسيط برجوع زوجى العزيز ونجاتك يا أنطونيو.

أنطونيو (جانبا لبسانيو): ريجينا جميلة قوى ورقيقة قوى ، وقعت عليها فين الله يخرب بيتك .

بسانيو (بحب): أنطونيو انت بتتكلم عن مراتى دلوقتى

انطونيو: ما أقصدش يا بسانيو بس يعنى مالهاش أخت ، قريبة ، صاحبة تكون لسه ما أجوزتش

بسانيو: ايوه في بنت عمها لسه ما أجوزتش

انطونيو (بلهفة): حلوة كدة وشبهها

بسانیو: أنا ما شفتهاش بس ریجینا بتقول علیها انها شبه شلوك

انطونیو (بقرف): شلوك!!بس هی تعرف شلوك منین؟ بسانیو: كان بیجی كتیر لابوها بیطلب منه خدمات

انطونیو (بیضیق): یعنی انت اجوزت ریجینا ، وجراتیانو اجوز نریسا ، وجراتیانو اجوز نریسا ، ولورنزو اجوز جیسیکااعمل انا ایه بقه ؟انا کده بقیت صابع .

يعلو صوت جراتيانو

جراتيانو: أقسملك بربنا انك ظلمانىانا اديته لكاتب المحامى اللى قدر يخلص انطونيو من ايد شلوك الحرامي

ريجينا: انتم لحقتم تتشاكلوا بسرعة كده، ايه اللي حصل يا نريسا

جراتیانو: زعلانه منی عشان خاتم تافه ادیتهونی ، و غصب عنی اضطریت ادیه لکاتب المحامی

ريجينا (بمكر): يمكن كان عزيز عليها قوى

نریسا: ایوه، کنت کاتبه علیه حبنی من کل قلبك وماتتخلاش عنی ابدا.

جراتبانو: أنا بحبك من كل قلبى ومش حاتخلى عنك أبدا، لكن سيبك من موضوع الخاتم ده

نريسا: انت اقسمتلى انك مش ح تخلعه ابدا لغاية لما تموت وانه ح يدفن معاك فى قبرك ... (تقول بصوت منخفض بعد الشر بعد الشر) انت اديت الخاتم ده لواحده ست ؟

جراتيانو: مستحيلمش ممكن نريسا: لأ أنا متأكدة انك اديته لواحدة ست

جراتیانو: کاتب المحامی کان راجل مش ستحتی اسألی انطونیو وبسانیو

بسانیو: أیوه یا نریسا کان الکاتب راجلوالله راجل جراتیانو: ده الکاتب مکانش راضی یاخد ای فلوسوکان عایز الخاتم دهما اعرفتش أخلص منه عشان کان غلباوی

نريسا (ممتعضة): غلباوى!!

ریجینا: بصراحة انت غلطان یا جراتیانو، ازای تتخلی عن أول هدیة تدیهالك مراتك، حطیت الخاتم فی صبعاك وحلفت انك ماتخلعوش الا فی موتك، ازای تخلف و عدك، انا كمان ادیت لبسانیو خاتم زیه و هو واقف قدامك و أقدر احلفلك انه مش ح یتخلی عنه ابدا حتی لوفی مقابل كنوز الدنیا كلها

بسانیو (مرتبکا): أنامستحیلمش ممکن .

ريجينا: انت مش عاطفى ومش حساس مع مراتك حبيبتك نريسا الرقيقة ، انا لو حصل معايا الموضوع ده أنا كنت قلبت الدنيا

بسانيو يرتمى على انطونيو وكأنه مغمى عليه

بسانیو: معاکش مطوه

انطونيو: ليه

بسانيو: عشان أقطع بها صبعي

جراتيانو: سنيورة ريجينامش أنا لوحدى اللى خلعت الخاتم من صبعى بسانيو عمل كده كمان

بسانیو: ایه اللی انت قلته ده ؟؟...طب استنانی بره المسرح یا بن الکلب.

ريجينا: خاتم ايه يا زوجى العزيز؟ ، اوعى يكون الخاتم اللى اديتهولك.

بسانیو (مرتبکا): ایوه هوه(ویریها یده)

ريجينا: وتقولى مستحيل مش ممكن الزاى قلبك الخاين يطاوعك وتفرط فى الخاتم فين الوفاء السم بربى انك مش ح تقرب من أوضتى الالما أشوف الخاتم

نريسا: وأنا كمان ح أعمل زيك، مش تقرب منى يا جراتيانو الالما أشوف الخاتم بتاعى

بسانیو: حبیبتی وروح قلبی ریجینا ، لو عرفت مین اللی ادیتله الخاتم و عشان ایه ادیتهوله ، و عرفت انه خده منی غصب عنی

وما قبلش أى حاجة تانية غيره

ريجينا: ولو انت عرفت قيمة الخاتم ده عندى أو قيمة حبيتك اللى اديتهولك مكنتش فرطت فيه، وكمان بتدافع عن نفسك وكأنك ما عملتش حاجة، وأنا عندى إحساس انك اديته لواحده ست

بسانيو: أقسم بشرفى وبحياتى كلها انى ما اديته لواحده ست، ده المحامى اللى قدر ينقذ انطونيو من ايد شلوك الخبيث ورفض ياخد ٣ الاف دوقيه منى وطلب منى الخاتم ده بس وكبان مُصر عليه ومش عايز ياخد حاجة غيره

ريجينا: قمت انت ادينهوله بالسهولة دى

بسانيو: اعمل ايه يا ريجينا، انا كنت مضطر لكده، احنا كنا مدينين له بأرواحنا عشان انقذ حياة انطونيو اللي ادبس في عقد عشان خاطرى، انت لوكنت معايا في المحكمة كنت انت اللي اديتهوله بنفسك للمحامي الشاطرده

انطونيو: سنيورة ريجينا أنا كده حزين عشان الزعل اللي بينكم ده، أنا السبب في كل ده

ریجینا: لایا انطونیو، ما تحرنش ولا حاجة، ده احنا فرحانین قوی

بوجودك معانا الليلة دى .

انطونیو: طیب ممکن تسامحیه یا سنیورة ریجینا

بسانیو: أقسم بشرفی انی مش ح أضبع أی هدیة منك أبدا

ريجينا: شرفك تانى برضه

بسانیو: أفسم بشرفی انبی مش ح أفرط فی شرفی (ینتبه لکلامه) قصدی أقسم بشرفی انبی مش ح أز علك تانی وحیاة عینیك الاتنین الحلوین دول اللی شایف فیهم نفسی سامحینی بقه

ريجينا: يعنى انت شايف نفسك مرتين مرة هنا ومرة هنا، يبقى حضرتك عايز تروح مستشفى المجانين يإما أنت أحول

انطونيو: أنا رهنت جسمى ضمان للقرض اللى خده من شلوك وللولا المحامى الطيب ده لكنت بقيت من الاموات ، وانا ح أضمنه زى ما ضمنته قبل كده انه مش ح يخلف وعده معاك وح يحافظ على أى هدية منك

ریجینا: یعنی انت ح تکون ضامنه یا انطونیو

انطونيو: ايوه أنا ضامنه

ريجينا: طيب اديله الخاتم ده وخليه ما يفرطش فيه

انطونيو (يأخذ الخاتم ويعطيه لبسانيو): احلفلها يا بسانيو أنك ح تحافظ عليه بسانیو: أقسم بشرفی أن أنا(ینتبه)ده نفس الخاتم اللی ادیته للمحامیانت جبتیه ازای ؟

ريجينا (وهي تصحك): عشان أنا المحامي اللي أنت فرطت في الخاتم بتاعي واديتهوله

بسانيو (بفرح): انت يا ريجينا اللي عملتي كده ؟

ریجینا (لانطونیو): ماکنتش أقدر أسیب صدیق جوزی اللی کان حیضحی بعمره عشانه من غیر ما أعمله حاجة

انطونیو: أنا مدینلك بعمری كله با ریجینا ، جراتسی ریجینا جراتسی

جراتیانو (لنریسا و هی خائف قمنه): یعنی کنت بتمثلی علیا، فین الخاتم، وادیته لمینکل ده تمثیل و کمان کنت عملالی راجل

نریسا: خلاص بقه یا جرجر

جراتيانو: جرجر؟

نریسا: دلع جراتیانو یعنی

جراتیانو (باستهزاء): یعنی أنا جرجرأمال دلع بسانیو یبقی ایه?....بسس

بسانیو: اخرس یاجرجر

يدخل خادم ويهمس في أذن ريجينا

ریجینا (بفرح): أنا عندی خبر جمیل جدا ح یفرحکم کلکم

بسانيو: قوللي بسرعة ايه هو؟

ريجينا: تلت سفن من سفن انطونيو وصلت المينا من ساعة سليمة وعليها البضائع كلها

الكل يفرح مع صيحات عالية

ريجينا: احنا لازم نحتفل كلنا بالمناسبة دى

*********ستعر اض ******

يخرج انطونيو مودعا بسانيو وجرانيانو

ریجینا (تنادی): یا جیسیکا یا لورنزو

الاثنان: ايوه ياسنيورة ريجينا

ريجينا: أنا عندى أخبار حلوة لكم

جيسيكا: كل أخبارك حلوة يا سنبورة

ريجينا (تخرج ورقة): ده عقد من شلوك بيو هبلك فيه كل ماله وممتلكاته، ومسالوش حق البيع ولا التصرف في حياته، والثروة ح تتنقلك بعد موته.

جيسيكا (بفرح): جراتسى سنيورة ريجينا تدخل جيسيكا القصر مع لورنزو ریجینا (بفرح): الحمد شه أنا سعیدة قوی النهاردهعمری ما فرحت فی حیاتی قد النهارده

بسانیو: یالا بقه نخش ننام، دی لیلة عمرنا یا ریجینا ریجینا (بدلع): لأ ... أنا الجو عاجبنی و عایزه أسهر شویه نریسا: وأنا كمان ح أسهر مع السنیورة ریجینا..... الجاردینو حلوة قوی

جراتیانو (متحیرا): السهر مضریا حبیبتی عشان صحتك نریسا: الجو جمیل جمیل قوی ، والسماء صافیة واللیل ساكن وممتع والقمر حلوقوی ، شایف القمریا قیس

جراتيانو: قيس مين ؟

نريسا: أنا عارفة ؟

تغمز ريجينا لنريسا وهن يضحكن سرا

بسانیو: طیب احناح نطلع ننام وح نسیبکم براحتکم یغمز لجراتیانو ویجذبه بقوه

صوت غلق الباب

تنزعج ريجينا ونريسا من غلق الباب ويقفان مذهولتان تنطفيء أضواء المسرح

ريجينا: دول طفوا علينا النور

يجروا ناحية الباب مع طرق شديد على الباب (الاثنتان معا): افتحولنا البابافتحولنا الباب غلق الستار

الكاتب في سطور

محمد سلامه

- عضو منتدى مرايات الادبى www.marayat.net
- عضو رابطة الزجالين وكتاب الاغانى
- فاز بعدة جوائز إقليمية عن عدة قصص قصيرة منها أحلام جندى مجهول، وقصة ايزاك ادمون وقصة الوتر المقطوع
- له مجموعة قصيص قصيرة تحت الطبع "حلم واحد"
 - بعمل مراقب حسابات بوزارة المالية
 - مواليد بورسعيد عام ١٩٦٩ م
 - للتواصل مع المؤلف

www.mohamedsalama9@yahoo.com

حقوق الطبع محفوظة للمؤلف

